

楚

望

閣

詩

集

楚望閣詩集卷五

甯鄉程頌萬子大著

五言近詩

嶽麓

秀插玉芙蓉青葱幾萬重
嶺堆殘臘雪溝響隔江鐘
日暮迴孤艇蒼茫見遠峰
欲尋高士隱縹緲白雲封

秋月

新月似簾鉤關河怨早秋
人隨孤鴈遠星雜亂螢流
樹影圓荒堞笳聲繞驛樓
絺衣冱蘿徑牆籜況颼颼

宿戚氏南軒

閒訪種花農柴門閉幾重
亂愁千斛酒歸夢五更鐘
風細偏驚竹雲涼半上松
幽吟吾意愜蘿月在前峰

雪夜宿南邨

一夜南邨客，羈棲思不勝。
白痕低墮竹，青影欲迷燈。
凍雀猶偎樹，寒魚不上罾。
明朝覓歸路，苦霧壓層冰。

入翠微山

危梯懸磴道，古寺入寒雲。
夏木深初合，清鐘時一聞。
嵐光低墮水，客思亂斜曛。
何日空山隱，長偕麋鹿羣。

晚泊

檣櫂楓林外，溪樓晚自憑。
帆低人似鷺，江小月如燈。
多病憐司馬，思歸笑季鷹。
渡頭迷暝色，漁父喚難膺。

武陵春暮登郡南樓

廢堞還臨渚，孤邨遠抱煙。
魚鰕爭水市，楊柳繫江船。
窗樹不可接，樓風時颯然。
巖花與溪艇，何異晉山川。

入祇園寺

愛此招提境，炊煙出翠微。
秋花扶短檻，高柳送斜暉。
地僻雲生屨，篁深犬臥扉。
巖棲吾未得，刷藥去還歸。

題夢綠亭

修篁不知路，空翠一亭雲。
掃石涼僧夢，和煙斂夕曛。
招尋黃葉徑，一訪白雲君。
日暮疏林裏，鐘聲何處聞。

仲兄自黔還過朗州卽送其歸里

斜陽與人影，分手黯離亭。
愁絕天涯別，相看短鬢青。
帆隨汀樹隱，風挾怒潮腥。
日暮鷓鴣曲，孤舟不可聽。

西陂夜泛

嫋嫋風初墮，娟娟花欲愁。
不知今夜遂，何處采蓮舟。
白紵憑裁扇，紅妝嬾上樓。
清宵詩興減，斜月在簾鉤。

孤館

孤館夜悽然星殘欲曙天秋痕雙鬢裏客夢五更前月幌全
低樹冰琴暗澀絃不知方丈室何物是愁邊

送武次恆遷尊人旅櫬歸葬岐山

什載未歸秦飄蓬尙寄身看雲悲郢樹策蹇向沉濱清白曾
爲吏風波有一民簪言傷岵岵身世極貧辛
落日揚鞭去巴江水亂流雲深迷棧道天險接秦州樹閣慈
烏淚樽空洗馬愁孤懷兼獨行歌哭掩春秋

聞越南警二首

漢室扶南部巖危四郡連明珠曾橐貢銅柱不須鐫海水飛
逾急天河斷若懸唇亡應不爾有道在防邊
妖彗誰能掃元陰鬱不開帆檣通鬼國星宿撼中台互市貽

邊畔乘樣費漢才砧聲與笳恨併作一宵哀

星寮

蛛網結星寮銀河上下潮波涼雙韞淺汗溼五銖嬌樹暖無
秋色簾迴接斗杓姮娥應妒汝采藥作香燒

珠館

彩樹環珠館濃妝照綺春斂顰眉翠薄著酒臉紅新卷幔收
雲腳浮槎到海潯聘錢稽十萬誰作辦裝人

弄玉

乍來弄玉館旋上鬱金堂嬌轉燈前影曉新鏡裏妝虛誇鸞
背好誰念鳳衫涼小膽臨行怯風波未可忘

盧家

明月入盧家珠簾燕子斜衣迷三里霧鏡照兩邊花析跡頻

胡鼠杯痕儻誤蛇傷心聞子夜深巷有嘯鴉

海國二首

海國連兵氣和書出未央妖雲低嶺黑愁月向人黃聞道魚
龍窟新成鵝鵲場瘴消弓力澀多恐畏春陽
徼外無甌脫樽前有折衝不須矜洗象祇爲學屠龍幾夕金
牌召三時玉塞烽南公正愁絕關翠瘴雲重

雲麓寺二首

嶽雨洗新霽瀟湘流碧波樹痕穿不斷峰勢亂逾多斜日山
靈笑天風帝子歌回看祝融頂秋色鬱嵯峨
凭闌不知晚鐘磬墮空冥一雨懸江白孤城隔岸青尋碑遺
北海濯劍想東溟此夕不能寐天風吹客醒

家祝安歸自伊犁畱飲賦贈二首

鞭影拂齋桑籥雲宛馬強曾聞厭鼙鼓猶自說沙場盾鼻宵
傳檄旄頭晝有芒防秋諸將略何以固金湯

日月懸秦隴河山屬漢家羌人怨刁斗婢女泣琵琶夜色沈
杯影寒霜拂劍花嗟君一萬里飄泊卻還家

投閭季蓉訓導

寂寞船山後風流二百年山川餘閒氣文字述遺編欲訪蓮
峰月同觀瀑布泉寥寥今古意杯酒劇流連

嶽中舟行

遙峰闢圖畫各捧玉芙蓉黛色照江水清音聞暮鐘我將拏
小艇向夕至前峰翠靄蒼茫裏層雲石氣濃

獅子巖

泉聲穿穴出怪石踞山尊西極來無種中原勢可吞萬峰懸

瘴雨一頂露天門薄暝前途寺腥風啼古猿

宿上封寺二首

仙人騎鶴出孤頂佛光明鐵瓦九千仞天風不斷聲壑螢分
野竈僧磬誤殘更此夕悲窮髮遨遊近上清
孤月鎖金鑲枯僧髮半斑詩人今夕夢七十二峰間燈冷眾
星逼猿嘯百巖慙吾生有攸寄身與白雲閑

渡洞庭

落日滿重湖征帆片影孤艣搖天外沒山入大荒無江豕迎
風拜神雅接食呼百年江海客身世渺飛鳧

泊沅江

小縣無城郭人家水上樓日斜黃篴舫風颭白蘋洲夢冷魚
龍夜波荒蘆荻秋停橈待明發煙際數歸鷗

武次恆既還親櫬於岐補學官弟子逾年至朗州喜

而有贈二首

太息一年別飄蓬萬里游啼鵲悲蜀棧嘶馬戀秦州襁褓孤
棲日鄉關散亂秋廿年雙櫬合松柏鬱靈湫

深杯照肝膽長匣貯詩歌而我懷朋舊因之痛蓼莪人間丈

夫子昭代秀才科一洗風塵色酡顏映酒波附錄日記跋武次恆畫松枝水

仙卷子

此余亡友武次恆鍾琳所作雪銘其別號也次

恆有孝行尊人蔚亭先生罷官四川蒲江知縣客死江陵

次恆方七歲父妾取其妹與橐金從一僕遁去次恆號於

官脫其妹同徙武陵稍長能自讀書工詩畫性狷介溫雅

老成咸器重之癸未冬如江陵求得父區又念母櫬在蜀

復徒步往求余祝之以詩明年秋次恆還武陵告余既致

父區於岐得族兄某力資以入蜀備言道途扶歸合窆焉

應之事竟獲母區於新都城外關帝廟中遂扶歸合窆焉

其年冬補學官弟子烏乎至孝格神如是其焯則凡世之

鮮民遘難如次恆者可以風已厥後數年次恆還家於岐

又數年間其病且死在壬癸之間余方饑驅南北不及爲

詩哭次恆矣嗟乎予與次恆竺好生死迄今垂二十年僅

檢敝簾得此紙爲裝池之以記其孝行傳示儕輩次恆死
矣其有知耶其無知耶不可得而告也於戲痛已光緒庚
子中春月子大程頌萬
記於湖北自強學校

與友人訂遊桃源賦贈

三月鶯花老飄零見故人攜將洞庭酒一醉武陵春髮短憐
愁盡家寒媿隱貧漁郎欣有約莫誤去來津

白日堂堂去青春故故殘嬋媛歌宛轉花雨淚闌干劍冷豪
情在樽空酒興闌烽煙遮海國無策獻長安

我欲挹仙蹤林巒阻萬重君攜紫玉杖共訪綠蘿峰花氣迷
孤艇溪流度晚鐘巖扉局未啟空翠落長松

送閻季荇北行

當代閻夫子才名壓輩流雪凋窗外竹書滿寺中樓風雨催
征騎江湖老做裘離羣無限憾幾日向并州

酬別周郢公

落帽山川夕迴舟風雨天青衫詩客夢黃葉酒人船楚舞難迴袖湘靈暗澀絃河梁悽共語雙髻劇蕭然

慈利縣

城陰半垂柳孤騎渡河橋山色橫江斷灘聲出樹遙客愁殊嬾漫郵市遠蕭條向夕投何處長林颯晚颿

草鞋鋪碕房

雙峰忽中斷一徑關鰲叢廢堞臨邊迴殘陽傍驛空巖光分向背溪響別西東遠役淹詩思蠻天起渴虹

椎牛坡

巖梯三百丈拖翠入溪州磴仄石爭出泉鳴風自秋瘴雲穿不斷羈客迴含愁隱隱聞吹角斜陽下驛樓

鶴峰腦

青天一鶴影倒下萬重溪鳥道緣巖窄人煙隔樹迷雲頑惟
見石天偏欲無梯想見征蠻日行人厭鼓聲
萬峰迴合處溪翠忽飛來冷上千巖竹孤懸百尺苔橫空飛
瘴雨穿穴有犇雷向夕衝颿起猿啼絕壑哀

厓門塘

絕頂懸晴翠雙谿控石梁盤天人影細墮澗鳥聲涼楚塞山
川盡窮厓日月荒前村煙樹合城望鬱蒼蒼

月

今夜蠻溪月含愁迴自明如何聞夢遠不向夜郎行古樹低
圍驛殘碣半擁城料應腸斷處爲我寄邊情

溪州雜詩十六首

自昔羈縻郡雄邊阨楚關俗由槃瓠種地是漢家蠻船貢客
人布椎迎崗女鬢祇今嗟異俗荒徼阻河山

雲通巴子國箐接竹王城士女今歸漢溪山舊姓彭扶肩朝

背龜擺手夜吹笙此日蠻夷長空畱割據名舊俗男女齊集跳舞吹笙名曰

擺手

百年開郡縣三楚重邊圻瘴色迷晴雨民風雜漢夷江鳴銅

鼓下天入鐵鑪卑宣慰祠猶在風寒五十旂府境有鐵鑪坡最險峻初永順

上司分五十八旂

崗霧晨迷郭山雲晚壓天谿深頻洗甲巖側畏浮船趙虎饑

虓樹露猿渴飲泉老司城畔月五夜靖狼煙府西有洗甲溪又偏巖下有魚

大如船不輕出人見者輒死

濁浪排空下靈溪廿載餘天懸十日雨人哭一城魚絕徼悲

妖眚斜陽返故墟至今文諭蜀誰似馬相如

同治癸酉六月
溪水陡漲漫城

而入官民走

避山谷間

二百年風教巖疆俗漸陶谿娘頭裹帕崗戶足躔刀碑拓畱

紆字溪魚隱綠毛年年天子食好爲靖蠻囂

谿崖有紅字碑
刻宋神宗詔谿

中有綠
毛魚

積歲糜金帑民瘼孰可忘不教輸國賦祇與購兵糧擊鼓

迎巫覡吹簫入鬼堂時清官吏樂文教訖窮荒

永順一邑額
徵丁糧八十

餘兩而歲發庫帑數千金與民購買兵
穀舊俗土人度歲設鬼堂祭其土官

夜雨龍山驛西風虎子原山川連地盡日月到巖昏秋老稀

聞鴈峰多不辨村飛燐如趕仗悽斷塚中魂

昔土官行獵謂
之趕仗其土司

塚墓皆在老司
城去郡三十里

天南撐一柱倒影瞰蠻江夜守雷公嶺秋明大將幃銅花彫

古字崖勢落飛艘白帝靈如昨朱旛氣不降

五代銅柱在會溪苗俗祀白帝

天王之神

婁氏風非昔層崖路不平崙裙低蘸水犵鳥倦嘸晴石氣層

巒近炊煙斷嶺橫頻年懷樂土叱憤換秋耕

銅柱記相名婁氏

客久蠻音熟林深箐路諳西風種罌粟空翠入梗楠青嶂兼

黃嶂山嵐帶水嵐由來臨險微不似大湖南

郡中多種罌粟山產大楠木

猛崙河邊水年年下五溪如何狂李白只客夜郎西嵐氣侵

簾溼灘聲到枕低今宵歸夢斷愁聽野猿嘸

邊月冷嚴城鳴鳴畫角鳴殘凋低擁樹廢壘罷屯兵十洞秋

停檝三刀夢入營今宵女娘崙唱徹竹枝聲

土司有女娘崙在郡西北

一角西南微干盤道路艱鳳灘波枕峽龍爪石爲關浩劫蟲

沙盡清秋虎豹閒毛人今不見山翠自孱頑

龍爪關爲郡西北門戶極險峻

毛人身長丈二爲
宣慰彭肇槐之將

邊吏資文武蠻荒肅典型高牙懸日月小隊出郊坰瘴雨連
村黑林煙帶郭青南樓尚酒飲共譯五溪銘

遠客三千路來尋百八灘方言通異域愁思激哀湍獨鶴棲
巢穩飛螢入戶寒悲歌拂長劍星斗夜闌干

王村距郡城百二十里凡百有

八

寶子洞

昏鴉不歸寺灘響激孤亭弩挾干帆白天低一髮青衝湍迴
去楫怪石闕巖屨今夜還家夢孤飛過洞庭

東坡生日陳伯嚴招飲待石園二首

東坡詩卷在遺跡闕湘州曠代爲詞侶靈晨續雅遊牆梅烘
趁日廊簾響疑秋大雅今寥落清尊滌壯愁

座識元龍氣人宜水竹居橫鵲看白日高枕亦吾廬雖凍鴉
移樹亭荒蔓引裾歲寒無可詠懷古亦長歎

送王伯璋永順幕府

爾作諸侯客西尋崗戶家天低惟墮鳥瘴冷不成花英氣銷
朋酒詞鋒避莫邪分攜無限意珍重各天涯

送周雪池入蜀三首

地入夔門險江從楚峽開月明峰十二曾照美人來文翰常
畱滯鄉心幾溯洄征塵淹歲暮且盡掌中杯

碧杜紅蘭裏三春公子家嬋媛歌折柳風雨笑搏沙廟歇黃
陵楫城違白帝笳幾將詞客淚畱灑別時花

西蜀趨庭久英名羨子賢幾年纔一面萬里得相憐津鼓催
征檝江楓繡別筵語君離索意頻寄辭家箋

寄張永順

楚國神君頌無如仲景賢雄譚付尊酒奇抱寫山川鳶站牂
柯水蠶叢箐嶺煙應知文學記畱待仲宣鐫謂王伯璋

題中寶晉祠枕雷圖

懸甕祠前水行人此夜過橫空飛瀑雨捫翠到懸蘿神鬼茫
茫事雲山浩浩多中原數聲雁有客渡汾河

題中寶采石阻風圖

天勢擁孤樓茫茫繫客舟魂從李山去詩在大江流捲浪高
於屋飛霜欲上頭騎鯨一樽酒何處問神州

泊麓山下贈中寶

嶽色晚冥冥扁舟穢此亭斷沙分岸白遠樹逼天青何處招
山鬼今宵有客星聊將杜陵詠說與老龍聽

送中實同叔由韻

背郭客心懸尋君昨夜船漁燈分浦聚鷗榜隔沙眠北馬余
方秣南雲子去先機頭重回首雙鬢各蕭然

送兄每年入黔省大定君二首

伯氏三年死吾生萬感并人傳文字哭天阨弟兄名有酒春
皆病無歌淚自盈明朝嶽雲外回首馬王城
朋簪三月社一半別長沙此夕真成夢何時共憶家天邊懸
馬色江路問桃花莫以西南微勞勞減鬢華

螺山晚泊

十五年前夢荒灣此泊舟一山分沔水雙樞入江流楚客數
聲笛僊人何處樓漁燈不成寐相對數眠鷗

武昌別戴軒翹二首

少日論文賤中年作客貧
竭來歌哭地同在漢江濱
夢冷琴邊酒塞銷燭外
春高臺一回首風色阻前津

予亦堂堂別還看海上鷗
客心懸落日孤艇下江流
珠島人何往金臺駿未收
平生知己淚牢落向神州

黃鶴樓別黃仲方

李白知何處茫茫萬古樓
武昌城外柳分作兩行愁
葉亂中流艇帆隨去國鷗
今宵一彎月照汝下黃州

過九江

獨客來湓浦青衫正黯然
雲容屯黠堞樹色上江船
每憶初三月愁聞第四絃
羈才非白傅吟鬢感華顛

謁方忠文祠觀血磧石二首

正學祠堂在斜陽對故宮
靈旗吹斷雨纈帳響悲風
社稷應

還北江流不冝東同仇爲練鐵髯墮鼎湖弓

慘澹忠貞血殘碑護短亭山川扶瀝氣罔兩變遺形歌哭還
千古文章在六經祇今虹未化畱照蔣山青

題章知府

需麟

銅官感舊圖二首

銅官今長沙之靖港曾文正出節戰

北於此投水幕客章君授之得免章累擢官安徽知府長沙人

寥落平原客縱橫子弟兵萬鈞懸一髮九死得更生嶽色開
前蘼湖波走怒鯨十年搏兔力辛苦定南京

此日臣何力當年帝不疑山川餘幕府風雨問湘纍日黯
荒江權雲塞上將旗連遘數天步幾輩繫安危

莫愁湖同鄧二

十分天下色變作秣陵秋一種垂楊恨無人似莫愁共君邀
笛步還上勝棋樓繡滿荷花水盈盈女盪舟

丁沽舟中同俞二用賓俞三壽臣周六雪池四首

西笑知何意扁舟又裏河岸花欺客醉汀火詔鷗多斷夢來
京驛羈愁狎海波斜陽蓬背立遠樹暗黃駝

二陸矜同調周郎亦自雄功名湖海士天地馬牛風濁酒晨
敲枕寒燈夕戀篷租船人不寐絃索譜玲瓏

湘灣三十六髻髯直沽湖樹隱楊村驛波通海子橋關山今
倦旅風雨感漂搖青鬢同相惜移舟晚見招

載酒來燕市飄蓬幾輩才西風吹玉水斜日下金臺客思隨
帆落新詩倚劍裁蒼茫語煙夕南雁得重陪

何詩孫閣讀陳旻秋庶常招同王秉卿主事汪頌年

洪蓮塢舍人六雪池署正餞予郊門卽席賦二首

驪歌侵曉發樽酒意如何海上人還去天邊樹未多幾行南

客淚千里北鴻過祖帳圍青甸笳聲散駱駝
何遜情無恨陳遵氣自豪文章屬諸子天地隘吾曹此去惟
孤騎相看贈寶刀嶺梅三萬樹同爲寄詩勞

白溝河

墩堠連河朔梯衝望鐵門當年憑點虜於此限中原振策西
風緊迴杓北斗尊瓦橋關上柳斜日黯邊魂

高唐晚尖

客鬢晚颼颼征輶此暫畱河源尋馬頰樹色上魚邱市語齊
謳雜詩聲驛路秋時平息哀鴈不數稻梁謀

西楚霸王墓

讀碑有李將軍從
死附葬史軼無考

壘樹大河明宮碑對穀城生餘二十騎死愧八千兵已背關
中約難分俎上羹窮局不可問有客似田橫

東阿贈同行李鄭二子

宛平李舉人毓樟
豐潤鄭舉人德輿

河聲穿地出山色捲秋來
其子一千里同登挂劍臺
山川扶聖蹟天地隘詩才
落寞還相笑雲冠但遠陪

兗州

此日猶絃誦驅車魯國門
雄風吹泗水斜日澹中原
草沒麟郊近沙隨鴈路昏
尼山今在眼靈氣肅乾坤

落日

落日符離道依人鬢欲殘
詩成先貶腹酒薄不登鞍
城郭愁邊出江山戰後看
民窮生事拙嚮晚獨盤桓

拜史閣部墓二首

十月梅花雪魂從嶺上招
有書遺北使無命續南朝
甲馬趨荒堞靈衣颯晚焱
只今亡國恨流響隔江湖

列鎮爭雄長神州失中興魂歸廿四水心傍十三陵故國摧
喬木霜郊下飽鷹表忠 高廟碣讀罷一沾膺

滬瀆四首

虞皇遷甕館秦后受珠臺眼底三壺變圖中七表開卯民占
電喉查客問風霾亥步窮難已誰爲鑿空才

地是袁崧壘天移島客家樓臺無日月歌哭有鶯花漫擬仙
人境空翻上將牙神州猶斥鹵生事幾魚鰕

不有青衣導誰從汗漫遊星球分地轉島嶼帶天流綰幣窮
雙戒車書混五洲年年黃浦月空白海人頭

花月勝春申雕樓罩海塵扶桑九萬里荳蔻十三人共道居
更樂何時鬼服馴披圖思瑪竇西望一霑巾

瀧州雨夕

夜雨挾瀧州瀧江水倒流昏燈移竹幌殘柝過榕樓潦倒常
爲客年光變作秋今宵羈夢遠空狎海南鷗

十四夜月

舵樓吟望遠瘴國此清輝峽樹連江轉灘星到曉稀關山千
里夢兒女一燈圍莫更珠簾捲簾長花在衣

觀音巖二首

雄風蟠出入石與水爭能穴轉三千尺波嵌十二層僧邀孤
耀米佛定一龕燈予亦探幽倦飛霜鬢不勝
一洞一梯轉陰霾火亦寒巖招紅蝙蝠江走白琅玕禪慧陸
搖落征郵總浩漫前灘漁火上飛夢繞巔岼

來鴈亭

小憩梅花驛新涼鴈未回美人今夕夢隨月下關來織燈扶

雙袖空廊賸一苔峰頭酒家姥吹醒鐵龍哀

二仙壇

妝樓三十里獨背亂峰青怪石悄無語梅花低有靈仙人不可見巖翠晚如局古磴下奇蘚那知山欲冥

萬蝠洞在翠屏山麓東西織磴盤折而下中極宏闊上懸數穴望如鐵楞再轉有陰房一間几榻嵌空瑩潔如玉昔人遊跡罕至近某道士居此摩崖書幾徧恨不引瀑布水以洗之也爲賦是詩

鐵楞捫不到織磴偃層冰一穴移丹竈千年破鬼燈蝠如人突兀落其髮鬚髻擬築梅花屋巖棲遠未能

翠屏山

梅關分左股吾愛翠屏山天半一香水玉人雙綠鬟樓臺知

鳥近鐘鼓與雲閒嚮晚籃輿出蒼然獨掩關

誠敬夫人廟廟前雙松矗立五季以後物也二首

大壑響潺潺靈祠古翠環九天逢壯女一夜下雄關赤手提
雙郡孤心領百蠻艱難陳賜物涕淚灑衣斑

向夕雙虬竦夫人瀕上歸天風吹繡織橫挾嶺雲飛四世宗
盟續千秋廟祀巍那堪三里霧迷質到戎衣

彈子磯

倒臥層潭下天低過一帆蛟龍吞紫翠神鬼合松杉夢與殘
鐘定雲隨去鳥銜何人試飛彈吾欲返精藍

題花農提學韓亭繼詠圖

壽陽太安驛有昌黎使王庭湊詩碣君昔典晉試
出貲築亭和詩四首刻於壁間

佛老雖無恙河山氣自雄
邊沙吹帽側驛樹入亭空
爲掃韓陵石來觀晉野風
中原一橫覽吾道未能窮

別李鄭二子

白髮因人計黃金餉士來
艱難兩君子去住一徘徊
樹暗扶胥口雲低望漢臺
臨歧揮涕淚眞作亂離猜

灣河阻雪雜感六首

吾生十擲鞬大道了無津
苜蓿懷千里風波有一民
垂垂當歲暮瑟瑟此孤貧
待反三閭賦江豚夜拜人

天地吾廬外奇窮百事賅
麻衣王母憶泉路女嬃哀
骨肉招魂去關河乞食回
湘波攪湘淚枯戰玉龍來

兩年三萬里仍上大江東
蓬壓冥冥雪檣危浩浩風
九歌招楚屈五鬼歎韓窮
苦要江山助吾慚太史公

兒女擁燈前深深說可憐甯知萬里夢只隔一程圓歌哭還
令我連遭例往年牛衣殘雪夜冰淚定相濺

岸樹禿猶掃渚鷗饑不眠百憂從墮地一葉渺吞天歲暮淹
歧路生涯付酒船擬呼堯二女爲我撥龍絃

三十六灣風灣灣阻未通壞雲奔似馬僵樹立如翁邨醉那
能舞鄉愁忽袞空敝蓬吟擁鼻寒戰一燈紅

有感和贈鄭湛侯知縣三首

墅外常傳警衰吟不自由凍痕初入硯暝色欲棲樓遠鶴驚
同化江魚葬得不萬方龍戰日揮涕隘神州

太息龍蟠地門開鴨綠春臺邀麋鹿上國是虎狼隣跬步悲
窮髮句弧託算緡卅年成底事辛苦問調人

老去稱三絕邊愁動九垓罪言成痛哭天意費疑猜桃實偷

難飽桑田淺共栽茫茫遼水上何處有強臺

族園月夕同仲蕃登樓連句

醉魄扶霄上更深月滿樓仲蕃天青惟有樹沙白不分鷗子大江

氣涼窺檻雲光澹作秋仲蕃因君發長嘯雙鬢各颼颼子大

三年湘社別勞燕各西東夢落江湖外愁生天地中子大雙龍

騰晉寶五鬼歎韓窮尙有狂心在飛乘浩蕩風仲蕃

嬋娟思不極天與檻雲平堞迴西鳥怨子大砧寒北斗橫露梧

涼作雨仲蕃風簾靜聞更慚愧揚雲宅子大清言動百城仲蕃

作賦今王粲奇思總百家子大琵琶淒北語玉樹老南花仲蕃汀

樹扶煙直樓螢引月斜子大涼宵身世感相約泛僊槎仲蕃

次韻鄧子竹見贈卽送其官浙中

官允文章賤才高魑魅多且憑無賴月一按有情歌酒外誰

中聖花間合睡魔來朝軫分袂孤櫂大江波
鶯花六橋外南北兩峰顛去去詩爲祟遲遲馬不前江帆帶
潮入海笠抱天圓身世吾同拙相期孟浩然

暑病謝仲弢

三十學爲吏塾居何所求牆腰滋敗蘚病骨偃新秋陰抑渾
多瘴炎歊替煮愁煩君數相過劇藥向丹邱

送王儀九還天門訓導二首

送子荒江櫂孤懷百不勝詩心猶可傲吏隱愧無能塞路蟠
西楚山容劃竟陵文章與經術愁驗骨峻嶒

歌哭兩奇絕病餘秋更花帆懸解佩渚村黯莫愁家郢驛淹
詩思江亭老鬢華停觴睠牢落吾道有龍蛇

送中實赴西安 行在

歧路忽焉晚夢魂相與閒
浩歌臨漢水秋思入潼關
樹想金鰲斷花隨玉輦攀
不知遼海上何日有春還

贈寄師

衣上峨眉雪靈踪已十年
相逢纔一笑又上洞庭船
昨夢登衡嶽仙人拍我肩
知君騎鶴去應在十三天

送況夔笙之金陵二首

積感如秋葉隨風下
渚宮病餘詩骨在
羈思故人同鴈沒
金陵紫龍巒
玉水紅幾宵橫涕淚飛
夢繞臨潼
黯澹中秋閨
新亭客鬢斑
橫飛四海水
無恙六朝山
睥睨匡時略
邇迴去國顏
底須招大隱
鼓桂接湘灣

武昌病歸呈朱氏姊二首

雙睇林皋晚歸歟
歲序侵衝寒見阿姊扶
病暝清吟茶壘春

相笑村輿雪共深兒嬉渾莫忘去鐙火倚樓鍼

宦謀嗟予季期功屢薤歌田居勞嫁子歲晚復行窩國破春
逾早身閒病轉多養堂懷倚竹巖翠接煙蘿

楚望閣詩集卷五畢

受業

清
泉
蕭
煥
烈校字
江
夏
楊
熙
祥

楚望閣詩集卷六

甯鄉程頌萬子大著

五言排律詩

河閣二十四韻

煙視迴阿閣蘭情掩洞房
鐙昏僵寶瑟花冷聽霓裳
樹密三山霧鐘搖九殿霜
遲迴迎繡幃晚晚入華堂
玉宇三霄路銀河五尺牆
商礁催玉女畫館列僊郎
笑拂青鸞鏡愁登朱雀航
波間驚黛色簾下暈脂光
彩仗趨蓬島花枝別上陽
天風晨鍛羽海水夜枯桑
故國悲鴟鵬仙樓歇鳳皇
早風吹嫩臉朝露泣嘒妝
月暈愁千疊煙空玉一牀
才情逢卓女消息誤王昌
楚國腰肢細秦樓舞袖長
阿娘憐散髮小妹替迴腸
鴈盡蟬蛩塞人歸烏鵲梁
鴉翎空自滿兔魄且深藏
青鎖愁連

楚六

一十髮盒類藁

宇紅樓乍解裝離心時惘惘小膽自倏倏虛遣雙瓊博徒懷
七寶箱盼窮天北字薰透海南香愁碧魂應斷韶紅夢已涼
怕聽隣院曲宛轉淚千行

中實去湘社偕王伯璋叔由送於三叉磯錄別連句

次十五咸全韻

蘋渚登方獨蘭亭集豈咸中實雨餘江館冷波帶海潮鹹伯

璋鐘梵湘山野船書楚寶函子大鄉心鴻鴈度羈思鯉魚緘

叔由煙暝迷平楚雲昏失遠岳中實望山猶賦隱放澤似逃

讒伯璋極浦魂先斷連檣尾共銜子大岸花春寂寂嶽色晚

巖巖叔由暫繫依沙纜還收背郭帆中實離觴同卜夜客淚

莫侵衫伯璋互乞隣舟火相維水閣杉子大難迴歸者棹翻

受榜人監叔由贈策風追古題襟語棗凡中實愁腸迴似割

別眼望成饒

伯璋

酒薄肩猶擁詩頑骨竝巉

子大

牢愁誰與

破積恨詎能饒

叔由

渺渺波如織萋萋草未芟

中實

邨雞歌

斷續汀燕起呢喃

伯璋

湘社朋簪盛名園巨碣嵌

子大

細桃

方灼灼蕙柳乍摻摻

叔由

南宅分公瑾西疆憶渾瑊

中實

池

從山簡醉銘擬孟堅劄

伯璋

廊轉花深秀橋窺石磬

子大

千葩爭絢爛百鳥亦和誠

叔由

鬪韻時旗靡歷詩或鼓儻

中

雄風摧壁壘正色埽槍機

伯璋

力欲狂瀾挽詞無僞體攬

子大

一丘非聚貉三窟待營幾

叔由

勝侶歡傾蓋流光感去

飄

中實

遠尋仍命槩追餞不離械

伯璋

俊擬追霜鶻窮思侶

穴麕

子大

飄零憐倦旅哽咽失狂詬

叔由

幾日烏頭白何時

墨突駢

中實

夢嚙湖外鵝身似島邊蟻

伯璋

紅豆應成憶青

梅已可鵲

子大

去蹤停倦眼病翼阻飛髟

叔由

莫更憐戲笠

中實

伯璋

子大

叔由

中實

有序

張文獻公鑿通庾嶺其南二十里手植松凡三百餘株乾隆間僅存三十株餘則宋元以來官吏補種者虬鱗夾磴上接梅關予於雄州試竣一日夕

還馳百六十里徧覽庾嶺之勝爰賦是詩

樹界中原隘關蟠瘴海窮火雲森鼠穴陰翠闢龍宮叱馭依
官道經營始相公怒泉吞虎魄蕤仗出蠶叢古幹三千矗搏
茲九萬雄衣冠回微外禪鬼揖蠻中昔本臺侯戎曾規漢將
功棧懸惟墮鳥險背孰停聰阜葢空擎吏虬髯莫問翁直教
天地別間以馬牛風嶽嶽文章伯衙衙貫日虹芙蓉窺曉嶂
粉梓掃秋霽十里琅玕植千盤嶄峩攻銀河斟沆瀣珠樹互
覲髯鎖甲煙嵐葩瓊梯日月烘擘開朱鳥路橫作翠天幪步
障層層隱妝樓曲曲通青冥排鸛鶴赤塞小蠓螭凍拆鱗皆
竦濤喧耳並聾八公迎矍鑠雙扇啟玲瓏頗憶開元盛猶能
一德同璇圖呈象貝金鑑懷沙蟲曜列三台肅名標二庾崇
萬株培媪脉一線破鴻濛壁阻蘿爲幄溪明黛刷銅大年齊

何僂列隊半龍嵒琴筑絳孤籟旌旗暗遠空奚人晴負籠峯
客夜彎弓雨腳螳蒼兕巖腰走赤幢霜碑搖鬣屬風鬣散甃
甄昭代惟琛驛王師靖小戎荔枝停北使羽檄過南鴻古寺
眠驚蝠郵亭獵憩驥磴霞棲役役嶺氣偪蔥蔥老翟秋逾碧
涼蟬夕戀紅神州由鎖鑰層嶮配崆峒霧密蒸斜巘湍鳴下
急礧蔭看交屈攢穴不漏穹窿曠世思賢相夷塗荷藐射詩
名高並斗位業峻于崧榕葉園涼繖梅花遞驛筒手提元氣
出家儼畫圖工國故應咸仰鄉賢祀獨隆廿章翹笏冕千騎
捲蒿蓬鉢石雲低洹樓船水乍泮根蠶朝聚蟪葉雨暮嘯狔
去去岩巖聳行行濕菑籠喬柯依瀑轉仙粒得霜融鼙鼓從
安堵梯航効遠衷緬懷風度古靈臍曷來恫

年家曹節母壽詩

畫館霞映堦閨淑德崇庸姜出南國嘉儷紀扶風碩學名
家啟端操女重同樹垂嘉蔭碧花笑合歡紅慧問偕僮婢頤
顏說媪翁百年逾竹勁九畹茁蘭蕙綴響嚴雕佩飛觴入綺
櫳蟠根原海上受貺恰天中列箴岷江右高臺湘水東躋堂
詩可誦侑聳意無窮

漢陽王節母壽詩

蘭皋仙子佩藥省舍人花簪懿思賢尹道範出冰霜痕鸞
鏡掩月影鳳臺斜海上筠爲榦江亭鞠有華大齊歸女重芳
讌接寶譚慈竹干霄勁蓀枝映日誇表忠懷令子補恨屬靈
媯仙館千年酒雕筵八餅棨宸題崇綽楔樂府豔箏琶
漢沔璇源濬門楣瑞靄嘉綺詞賡百福令德紀三巴

七言排律詩

太常仙蝶詩 並敘

光緒丁酉三月庚寅朔侍徐侍郎壽衡先生於宣
武坊南之澂園公出所爲太常仙蝶圖贊具言曩
歲中秋前一日蝶降於湘廬踰日集於澂園命頌
萬賡詩用符仙躅譚忽移晷而蝶至延之座隅元
衣纁裳四跂端立與圖無二公具酒果餉畱三日
始去予因得讀年丈叔鴻分巡湘廬寄公書偉其
絢福之應又躬迓靈貺敬纂七言二十韻敷陳雅
故爲公壽云

憶昔羅浮訪蝶行天風吹髮隘瑤京
揭來北斗龍光接歎見南窗鳳子明
七寶座懸公揭講五銖衣薄客消醇
神駒暫喜歸南嶽瓊藻還聞賦上清
天子奉常曾設几丈人花下

合調笙相攜楚岫三千里來蹴瓊樓十二城捐向滕王畱粉
本夢爲園叟見高情耆英夙昔三才備臺鼎還看一柱擎布
澤青年迴玉琯趨朝赤弁浥金莖元譚芝館初中酒禊事蘭
亭待寫晴圖畫太平金粉色調和元氣玉糝羹連朝杖履偕
賓讌隔歲池塘有夢縈底爲詞林增掌故獨看詩酒擅縱橫
廿年出處清如鶴幾度寒暄醉吸鯨宮使羅巾兜粉重麻姑
裙幅颺綃輕停觴坐愛翩躚影拂檻微聞絳繚聲人似阿龍
騰祕肖氣如老驥挾幽并葛陂詎識雙龍采嶰谷惟傳五鳳
名擬向東方乞花實好因南鴈報瑤瓊花天福慧增元想分
付元嬰更寫生

閏秋丁丑率強學諸子釋奠 先師禮成感賦

元黃奇局四千載至教遺編五六經西狩 皇輿付甌脫南

來吾道豈鈴塹橫經厲厦偕諸子釋奠靈辰紀上丁楚望璠
璣陪鷺序魯堂罇罍辨犧形由來學海無新舊底事朝端有
渭涇北客冠裳慟輿隸南樓文物感櫺星疇從壞壁尊羣籍
幾見黃圖拱四靈痛哭羌戎連錮黨何年異教滌重溟人綱
自古無中蹴天步於今有晦冥願託四維存舊鎬不教雙淚
灑新亭車攻再覲橋門鼓椎拓長存禮器銘簪盍二三來自
遠賢關七十豈孤局匡居有夢爭王室匏繫殷心變魯廷肅
穆几筵同薦醴式憑靈爽卜堯蓂

楚望閣詩集卷六畢

受業

漢陽張柏青
山陰沈榮善

校字

楚望閣詩集卷七

甯鄉程頌萬子大著

七言近詩

江上送友南歸

鐵笛梅花已暮春
白蘋風色水粼粼
空江載酒不能醉
明月有情來照人
細柳臺空餘舊壁
桃花廟冷委香塵
扁舟待棹東陵樹
一點君山晚黛顰

山行

夕陽墮樹復挂樹
白雲出山還入山
踏破蒼苔竹徑裏
飛來蝙蝠松花間
清泉泠泠石齒瘦
輕風颯颯衣襟閑
我倦欲眠枕石上
山光對我如開顏

武陵漫興

洞庭湖西漢壽城斜陽水國半陰晴春潮北湧萬馬嘯秋日
南來一鴈橫白鶴亭前暮煙隱紫菱澗上晚霞明土風猶是
鄉音改怕聽哀猿腸斷聲

柳二首

陌上曾逢繫紫騮燕臺風日憶西州
薜蘿山上三千路荳蔻梢頭十二樓
門巷飛花低似雪河橋煙絮冷如秋
溼愁未浣春陰重更買誰家白玉鉤

含煙惹霧復怱怱一枕閒愁閉綺櫳
小院闌干三月雨畫樓簾幙五更風
病餘腰細凭窗畔怨裏眉情殢鏡中
社燕不來春更闌赤闌橋畔水連空

河湫晚歸

山徑斜陽不可留晚來風色白蘋洲
炊煙野岸繫孤艇暮雨

寒燈見郡樓疲馬不堪歸路滑峭帆低共暝雲收裁詩憶典
春衫薄不負溪西十日遊

武陵郊遊

隄路春茸似引弦玉鞭驕馬且隨緣空江樹影綠如海野岸
桃花紅近船斜日紫菱湖上曲隔溪青嶂洞中天未妨年少
增惆悵十幅生綃畫輶川

題萬緣寺荷池

精藍斜日隱寒林竹策閒過竹樹陰香茗半甌消午渴涼風
一磬定禪心爲尋池上荒杵在多感天涯破帽吟閒看鷓鴣
弄文采莫因猿鶴惱華簪

和海年兄入黔登鎮雄關之作

輦道巉巖貫石梯重關高竝彩虹齊曉雲燒嶺殘龍蟄夜火

屯山翹虎啼舊塚奢香何處覓新碑濟火更畱題知君久作
西南客計日遙應下五溪

眺德山孤峯浮圖

羊腸磴古陟崔嵬足底沈潭晝起雷埵勢欲浮江影去鐘聲
初送片帆來斷隄衰柳連村闇落日寒煙傍郭開楚望幾人
同撰策未應天末有强臺

入寶華寺

寺門金碧鎖寒暉雲樹蒼茫擁翠微峰頂月明無鶴到溪邊
雨過有僧歸鐘聲暗繞林端出埵勢儼從空際飛擾擾浮生
長是夢何年小隱閉巖扉

沅江

江湖憔悴扁舟客侵曉推篷理鬢絲鴈影汀蘆煙散後人家

山郭雨餘時縣門咫尺臨江水邨市蕭條挂酒旗盡日舵樓
閒騁望卻看湖口卸帆遲

登雲麓寺

幾年不得登靈麓何處天風吹汝來仗策獨尋湘女廟擁書
還上赫曦臺江流樹裏帆初出潮落沙邊鳥獨回向晚三閭
祠畔路騷魂零落使人哀

寺宿

僧堂夜色白如水客夢未回霜正高北斗闌干迴天半西風
蕭瑟度林皋墜巢鴉影樹中月轉澗松聲牕外濤鐘殘夜寂
不忍寐畏聽幽壑哀猿號

答和伯兄長至日登黑窰廠寄懷之作

聞道郎潛倍寂寥關河千里夢迢迢三邊道路還通海一月

音書已度遼風捲平沙低斷鴈雲橫絕塞下秋鴈登臨無限
鄉園思莫遣霜華旅鬢凋

無題四首

妝成獨背鎖窗寒虬箭迢迢燭影闌羅帕幾年消粉淚銀河
昨夜有波瀾上清僊謫歸無路下蔡城迷破卻難咫尺紅樓
覆鴛瓦有人私卓相風竿

珠簾燕子日相尋香閣輕塵鎖玉琴乍可芙蓉消鏡裏幾回
楊柳拜樓心銀鈎學寫鴛鴦牒寶髻斜安翡翠簪腸斷碧桃
人去後更無香夢到簾陰

八尺龍鬢捲畫牀悵悵花月下迴廊樓中鳳去春無力門外
烏嘯夜有霜滅燭不知釵影墮背燈似逗釧聲涼頻年刀尺
裁量就料比伊家錦瑟長

鳳皇樓柱繫春曉霧縠臨窗不耐風江上自攜神女佩天邊
還化美人虹朝扉未啟魚猶鎖夜被初寒蠟未融未是細腰
休自舞他生合入楚王宮

贈閻季蓉

閉門蓬鬢日蕭條空使圖書伴寂寥一枕薈騰三月雨萬山
迴台五溪潮蒼苔易蝕談經宅淥水斜通處士橋惆悵天涯
倍風雨夜尊攜酒儻相邀

讀吳梅村詩

故國唳鵑感寂寥十三陵樹莽蕭蕭傷心此日衣冠盡回首
中原戰壘消雙淚十年思北闕孤帆一夜別南朝茫茫青史
畱遺憾何處魂歸賦大招

題秋筵集二首

顚顚蛾眉出玉關琵琶彈斷淚痕潛天橫鴈嶺惟餘雪沙合
龍荒不見山鳴鏑將軍春獵罷傳書戍卒夜飛還生憐一片
江南月偏照關山別後顏

夢落吳江八月天邊城楊柳尙烽煙鴈飛白月三千里人嫁
烏孫二十年青海馬嘶秋徙帳黑山鵬冷夜鳴弦如何絕代
嬋娟子長向天涯哭杜鵑

寄陳懷甫丈

霜夜風高響急砧別君吟望武溪深雲低一鴈欲沈水日落
寒鴉初出林湖上青衫詩客夢天涯白髮旅人心記曾翦燭
西窗晚譚笑忘年共脫簪

贈徐瑞屏

姑蘇臺畔折楊枝招屈亭邊共酒卮六載逢君常作客十年

長我便爲師羈棲歲暮身如繭顚顚天涯鬢欲絲
感搖落江南黃葉夢中詩

尋桃花源

蒼巖峭石枕江邊洞口霞深別有天
小艇空江還汎汎落花流水自涓涓
淒迷雲樹三千載擾攘風塵二十年
滿目滄桑如夢裏隔林重訪舊漁船

曉行

漸聞人語疏林外乍蝕燈痕野店中
孤鴈叫殘霜氣冷荒鷄曉破曉煙空
杜陵歸騎宵衝虎米老移船晚貫虹
相喚澧陽江上櫂楓林蘭澤雨濛濛

臘月十九日澧陽道中逢立春

傾樽擬上眉山壽按轡還經澧水隈
殘臘忽隨人事盡亂愁

偏向客中來湖陰急霰催烏榜津店寒香殢野梅枉渚來朝
莫序改更將朋酒敵鄒枚

六緣館銷寒第二集贈朱二

昨宵爛醉梅花月如在孤峰處士家今日更騎江上鶴與君
同折嶺頭花黃山洞府不歸去白嶽詩人空自嗟安得巖棲
賦招隱溪上仙翁雙臉霞

元日次詩孫舍人韵

門闌彩帖蜀牋新穉柳嬌藏碧海春一盞昨宵殘歲酒六年
今日未歸人溪邊梅影香初拆雪裏蕉痕畫不眞旅夢江湖
驚歲改銀河還祝洗兵辰

歸舟卽目

武溪六載客爲家湖海秋風感鬢華漁艇招涼蘆清笛柴門

臨水豆棚花隄邊帆影迎紅樹江上晴痕失白沙聞道洪流
侵郡縣老農何處話桑麻

過南湖洲

沅水西南匯百蠻湘流又接洞庭間好風吹澹二分月遠夢
空尋廿六灣綠蘿鴨頭新水岸黃添鴉背夕陽山計程喬口
孤舟泊瘦影篷窗伴白鷗

夜泊簞口

南望瀟湘百里中半江煙樹晚冥濛殘螢沒水寂無影斷鵝
掠霜低叫空七夕星河雙別淚十年天地一孤篷武溪近作
西南客願乞來朝東北風

舟中七夕二首

距家風色一程遙楚澤吟魂不可招斜日銅官來估舶秋聲

鐵佛枕江潮新詩嶽氣同舒卷古怨湘流盪寂寥我欲振衣
雲麓頂臥看湖海斷蓬飄

遙憶蘭閨乞巧樓有人樓上盼牽牛雙鬟院宇三更月一鴈
關河萬里秋客夢晚涼欒樹港潮痕曉落白沙洲里門咫尺
雲山隔且許篷窗作臥遊

舟中望麓山二首

秋霾掃盡湘山野一柱猶存見麓峯刮地青楓走獫狁攬天
貝闕影魚龍鷗汀蕭瑟畱殘照蟒窟陰森起斷松不是長沙
有遷謫幾人來聽道林鐘

道鄉臺上掩重關白鹿青猿似我頑山鬼吟哦書幌外孤雲
出人小認間村遙酒旆挑寒重寺閨僧衣帶雨還何日歸來
證初地隔溪斜照冷孱顏

辛巳秋讀
書山中

謁嶽廟二首

巨靈高拱肅星躔
龍袞珠旒望儼然
貝闕排空吞積氣
雲梯穿穴近諸天
蒼梧帝子嘒斑兮
赤繡衣人授簡年
初日祝融祠下拜
九霄鸞鶴護神絃
樵徑層封岫嶠碑
頽霞燒海失靈旂
鬣雲不斷一千里
僊樂迴飈十二時
星近百蠻鵲鳥偏
江流萬古蟄龍悲
書生腰腳追秋鵲
欲乞眞君飫紫芝

登祝融峯是日無雲

太守潮陽去不回
嶽靈終古鬱崔嵬
風迴海日三山動
雲擁天門四扇開
七十二峯頭人獨立
一千年後客重來
東南萬劫滄桑夢
願向溟池濯酒杯

寄周六華陽

積雪嚴城咽暮笳江湖浩蕩送生涯天風濯劍來巫峽夕照
騎驢問浣花九日逢君愁對酒十年爲客夢還家湘皋冶習
都搖落別館銀燈舞袖斜

無題四首

北斗闌干夜色深珠簾銀燭信沈沈嬌薰未啟葳蕤鎖夢破
應閒翡翠衾替月暗窺班女扇行雲終斷楚王心玉龍嘶過
橫塘路莫忘高樓七夕鍼

瓊牕十二掩紅紗一夜東風翦落花端正窺簾初喚馬嬌慵
理鬢怯堆鴉紫簫吹鳳春猶冷碧樹藏鶯日未斜惆悵絳河
消息斷年年空自訪靈槎

疊斷鑪煙睡未成玉清人別倚桃笙主家樓閣參差暝湘色
簾櫳次第晴身後有名題畫舫生來隨分號傾城無慘且聽

關山笛腸斷空階月自明

屨痕芳徑鎖蘿蕪山路惟應覓故夫一色臉波紅玉斷三春
心事碧雲孤香消螺子南都黛淚溼鮫人月夜珠爲問玉驄
何日返樽前重理繡羅襦

秋感四首

塞鴈南迴趁早霜屋梁落月臥清湘三更伏鼠窺人出一夕
啼烏惱客腸水國魚龍秋寂寞空林猿鶴晝昏黃消魂莫賦
江潭柳一樹斜陽淚幾行

漢家明詔選賢材使節秋高瑣院開獨闕草元揚子宅未妨
流涕賈生才病餘池館聞蛙喚亂後江山有鴈來匣裏青萍
欲狂歎虹芒宵玃斗牛回

馬殷宮闕草荒荒秋色蘅皋思未央且許莊生稱詐聖可容

阮籍號窮狂羣龍挾雨奔南極孤鶻盤雲下朔方徙倚高樓
無限憾夢魂猶白滯江鄉

臺榭城東接蓼園蕭蕭黃葉瞰柴門杞憂常恐青天墜槎路
還疑瘴海昏幾輩心靈役文字一番風雨撼乾坤何人會得
煙騷意竹影閒牕瀉淚痕

旋武陵酬別何唐生舉人北征二首

湘皋吟侶各飄蓬叢菊秋心卷幔同曲榭敲碁常引鶴樓頭
試劍欲飛虹孤懷學道青牛客俊約探梅白石翁沙上鵲鵲
還刷羽幾宵飛夢大江東

令兄詩孫

少年強仕一彈指駿骨黃金期汝來海國風煙今不惡薊門
雲樹倚天開中興家世晤臺碣

君文安公曾孫

劬學清標水部梅詞

賦江關悵華落高城夕日黯低徊

重題乾明寺

深林鷄鳴日卓午探奇一徑峯之幽
增勢浮空白日匿山門
截浪清江流沅濱秋深蘭芷歿
洞庭波間蛟龍愁層崖徙倚
歎長嘯松濤萬壑聲颼颼

遣興

寂寂屏山擁黛螺酒酣愁按雪兒歌
一百五日花事短三十
六天春恨多簾額香痕黏蝶粉
鏡匣晴影漾鴛波東風昨夕
傷離別吹入空庭長綠莎

贈別郭文學赴秦中

貂裘匹馬長安道羨子豪遊意氣雄
此夕不逢神女夢明朝
直破大王風秦關雲樹三秋迴
楚塞山河百戰中笑我飄零
成底事窮年兀兀悔雕蟲

題竟夫塞上詩冊

詩人不向潭州住六月戎車送汝行邊月還依蘇武廟楚雲
同上馬王城盤天白鴈秋無影出塞黃河夜有聲回首中原
十年夢太行東北是神京

無題

花裏瑤窗面面開輕羅扇子合歡裁鳳皇樓上紅牙拍鸚鵡
簾中白玉杯滿院花魂鴉叫醒一天霜色鴈馱來柔腸寸寸
相思斷惆悵筠籠夜半灰

送蔡子陶訓導茶陵

莫嗟鐸隱是微官禮數臺司倍許寬此去獨游文正里幾時
同釣善卷壇酒邊山色帆衝破汀外船牕月過寒爲惜焦桐
勤拂拭秋風苜蓿好加餐

蔡竟夫悼亡歸自吳越重有贈

關山風雪感漂搖沙磧黃雲舊射鵬萬里一身秦地月三年
兩度浙江潮愁中客思吹蘆管夢裏秋心隔玉簫青鵲失巢
渾不定別來愁減沈郎腰

三雅亭禊飲

暮春三月花事盡曲闌小榭池之東沿溪桃李各無語隔水
衣裳相映紅盧家文杏有歸燕楚客酒杯消渴虹海棠一樹
潛無色煙雨盡入屏山中

得叔由江陵書將航海入都還入吳門卻寄

人別湘皋秋鴈渺客歸巴峽暮猿催五溪三月鄉心斷萬里
一帆天際來海國波濤雙濯劍楚天風雨獨登臺知君夢落
吳江路思逐滄波日夜回

武陵春望值盛漲

鼎州城堞春多暝，饒病登臨一解愁。
三戶未窮邊楚地，重灘上遏五溪流。
孤煙矗影依山寺，寒雨飛空過郡樓。
安得丹青圖寫取，桃花溪畔兩輕鷗。

橫江估客初移棹，壓捺潮頭不肯回。
樓閣參差向煙暝，鼉鼉日夜抱城來。
柳攬官道帘爭出，蘿羈巖扉洞不開。
聞道南洲盛村落，恍從東海見桑栽。

時洞庭新起南洲
沉流故道賴易

和家兄海年游君山

澄波直接大江流，獨倚層崖落木秋。
斜日靈旗湘女廟，楚天涼雨故人舟。
寒鴉樹色東陵晚，斷鴈雲低北渚愁。
安得飛僊與攜手，一尊同上岳陽樓。

喬口行未十里雨甚仍泊

雲氣冥冥晝不開，輕舟聊復艤江隈。
波平斷港穿隄入，帆挾奔雷送雨來。
一枕篷窗初破睡，三春花事遞相催。
頻年落拓江湖感，自遣荒村濁酒杯。

曉發溫泉至涼水井

萬山晴翠入冥濛，雨後巖腰見斷虹。
樹影自隨天上下，溪聲不辨水西東。
春風鴻鴈鄉關遠，斜日牛羊驛路空。
瘴國天西何處所，劇憐吟鬢苦飄蓬。

次韵何唐孫訓導贈別卻寄二首

卅年蹉跎風塵裏，閉戶譚經笑冷官。
庭蔓汲泉穿澗出，檐花送雨入簾寒。
一編復古追何李，八代論文溯建安。
好慰循陔無限意，清芬永晝拂庭蘭。

邊徼風煙黯不開，登臨誰似仲宣才。
峯迴櫟葉猿尋穴，壑迥

榕陰豹養胎銅鼓江聲穿地出玉屏山色壓天來懷人千里
鄉關暮愁聽山城畫角哀

贈衡山趙仲子毅

箐鳥獐花客路迷招尋李白瘴雲西河流捲地吞三峽山月
隨人下五溪別後家山阻迴鴈宵來孤館聽鳴鷄酒懷牢落
青燈炮手劍空簾畏鷗鷺

永順別張知府

狂名幕府感淹留風雨蠻江黯別愁百八灘聲來險徼二千
石本古諸侯霜明紅葉連村堡山暗黃茅下驛樓爲灑天涯
知己淚不堪離別又窮秋

會溪觀銅柱二首

北河飛湍齧巖根千載遐荒一柱尊百道梯衝天外合諸蠻

日月地中昏霸圖武穆開今古偉烈昭靈識子孫九九百年
雄割據金人鐵馬問中原

萬弩橫衝倒峽船機舟憑弔一茫然插江精鐵三千尺開國
雄邊二百年賸有風雷號巨壑未容蛟蜃下長川慚予文字
鐫題日風雨碑亭護一樣

沅陵

黔南山色望中多半壓城陰半渡河賓布千年輸漢室獐花
十月下牂柯少年自笑文章賤有客相尋薜荔阿苦憶征蠻
前日事夢中猿臂荷雕戈

穿石

醉臥仙源白板船迴看巨石截長川魚龍夜鎖千條練日月
中穿一穴天古寺殘鐘初破夢荒灣漁艇乍炊煙巖扉待覓

空山隱與汲仙翁石上泉

送滇南吳利其赴禮部試二首

經廬寂寞委蘅皋，墳索拋殘贈寶刀。
萬里家遙滇海路，十年人病楚臣騷。
蘋霞宮闕鵷班迴，黑水樓船蜃氣高。
知爾金門偕射策，幾人才筆掣靈螯。

年時楚望從君賦，此日江樓酒共攜。
花事漸開紅躑躅，行人不惜錦障泥。
壯遊湖海招黃鶴，斷夢昆明叫碧雞。
兩雨離心黯雲樹，洞庭帆挂夕陽低。

張永順移官肇慶還過長沙賦贈二首

蠻州喜見忠清頌，嶺表還乘畫軾車。
狂客三秋辭幕府，使君十日去長沙。
溪亭碣護千尋柱，橫舍闌周廿樹花。
等是微之誇郡好，南雲迢遞望京華。

君於會溪築亭護馬氏銅柱，予爲之銘。又去郡日爲靈谿書院生徒。

廿四人各
置花一株

湘皋暄柳拂行旌他日查梨合有名君五十始得子歸院昔移雙鳳
炷分符今下五羊城渡江嵐翠迎詩侶過嶺梅花寄友生誰
道此鄉多寶玉不因纍若易躬耕

楚望閣詩集卷七畢

受業

山陰沈榮嘉

校字